

# R10-million wa tisigarete leti nga riki nawini ti tivisiwa tanihi phephaxilapi

Tshwane, 5 Mhawuri 2021 - Vatirhi va swa Khasitomo va Vukorhokeri bya Xibalo bya Afrika-Dzonga (SARS) byi tekile tisigarete leti nga riki nawini leti tivisiweke tanihi phephaxilapi leti nga na nkoka wa R 10-million enhlalukweni wa Durban mahelo ma vhiki lama nga hundza.

Mphutumo lowu wa le Durban wu landzela ntirho wa le Cape Town masikunyana matsongo lama nga hundza loko tisigarete leti nga riki enawini ta nkoka wa R6-million ti tekiwile, leswi fikelerisaka eka miteko mimbirhi yo fikela eka R16-million.

Mphutomo wa le Durban a wu tshegiwe hi mahungu lama kumiweke mayelana na khonthena leyi tundziweke ku suka Etikweni ra le East Asia na swilo leswi swi tivisiweke hi ndlela yo hoxeka tanihi phephaxilapi

Hi mhaka ya madzolonga ma sweswinyana eKwazulu Natal, xibye xi hlwerisiwile endhawini ya nkuleko naswona khonthena yi tshunxiwile ntsena hi ti 16 Mawuwani 2021. Hambiswiritano, endzhakukaloko khonthena yi kambisisiwile eka sisiteme ya Transnet, ku kumekile leswaku khonthena a yi ri na tisigarete leti nga ri ki enawini, leti nga vaka ti encenyetiwile.

Xikan'wekan'we endzhaku ka ku kombisa ku vilela no onha nhundzu, ku vile na nhlwelo eka tisisitemexidzi ta Transnet, leswi fikiseke eka mihlwelo yo engetelela emindzilekanini. Tanihileswi ndzilekani wu nga vuyelela, khonthena yi humesiwile ku sukela endzilekanini hi ti 28 Mawuwani 2021

Endzhaku ka musecho wa matimba hi ti 29 Mawuwani 2021, ku kumekile leswaku nhundzu yi yisiwile eka xitirhisiwa xa vuhlayiselo eOld North Coast Road eGlen Anil. Hi ti 30 Mawuwani xileriso xa musecho xi kumiwile eKhoto ya Majisitarata ya Verulam naswona SARS yi nghenile emiakweni. Endzeni ka guxeta a ku ri na 950 wa tikhesi letikulu ta tisigarete ta 14mg ta Pacific (xiendliwa lexi nga riki nawini) na 50 wa mabokisi ya phephaxilapi.

Tinhundzu ti khomiwile no vekiwa Eguxeta ya Mfumo ya SARS. Nandzu wa vugevenga wu pfuriwile na Vukorhokeri bya Maphorisa bya Afrika-Dzonga naswona vulavisisi byi ya emahlweni.

Khomixinara wa SARS u ndhundhuzerile vatirhi va swa Khasitomo ku va va fikile eka xitirhisawa xa vuhlayiselo eka xiyimo xo tika lexi a xi ri kona.

"Vatirhi va hina va Khasitomo va twisia nkoka wo sivela tinhundzu leti nga riki nawini, to fana na tisigarete, ku va ti nghena laha Afrika-Dzonga, hikuva ti dlaya vumaki bya laha kaya no hoxa xandla eka ndzahlekelo wa mitirho.

"Swendlo swa vona i vumbhoni bya leswaku SARS yi nge kondzeleli nkanandzeleriso wa xibalo hi muhakelaxibalo kumbe muxavisi un'wanana na un'wana kambe hi ta endla swi nonoha no durha eka lava tlulaka milawu ya tiko ra hina hi vomu, " ku engeterile Tatana Kieswetter.